

## Jako nevrijeme pogodilo Goražde



Jako nevrijeme, praćeno kišom i vjetrom, pogodilo je večeras centar Goražda, a u dvije ulice izlile su se površinske vode i kanalizacija, pa je voda ušla i u radnje, ugostiteljske objekte i podrume.

Policija na terenu preusmjerava saobraćaj jer su dvije ulice potpuno blokirane.

Vatrogasci, civilna zaštita, policija i građani na sve načine pokušavaju spriječiti ulazak vode u objekte, prenosi "Klix".

Jaka kiša i grad, praćeni vjetrom, nosili su predmete, grmlje i lišće, pa su ulice pune smeća i mulja.

Jedna od poplavljenih ulica nedavno je obnovljena i rađena je drenaža u okviru projekta, čija je vrijednost bila šest miliona KM, zbog čega je ogorčenje građana i vlasnika objekata u ovom dijelu grada veliko.

Date: 14-08-2019